

UGOVOR O NABACI

Na osnovu člana 96. Zakona o osnovnom odgoju i obrazovanju („službene novine Kantona Sarajevo“, broj 23/17 i 33/17), člana 32. Zakona o javnim nabavkama Bosne i Hercegovine («Službeni glasnik BiH», br. 39/14), Plana nabavki JU OŠ „Vladislav Skarić“ Sarajevo za 2017. godinu, zaključenog Okvirnog sporazuma za nabavku i isporuku lož ulja (LU-EL) za potrebe JU OŠ „Vladislav Skarić“ Sarajevo (broj:09-2-354/17 i broj:22-09-17, od 22.09.2017. godine), shodno Odluci Školskog odbora JU OŠ „Vladislav Skarić“ Sarajevo o izboru najpovoljnijeg ponuđača, broj:01-1-7-93-4/17, od 25.05.2017. godine, zaključuje se:

UGOVOR

o nabavci i isporuci lož ulja (LU-EL) za potrebe JU OŠ „Vladislav Skarić“ Sarajevo

IZMEĐU

Ugovornih strana:

1. Javna ustanova Osnovna škola «Vladislav Skarić» Sarajevo, Terezija br.48, Sarajevo
ID:4200238130003, koju zastupa v.d.direktora škole Pirić Meho (u daljem tekstu:
Naručilac),

i

2. „PETROL – P“ DOO, Bihać, Zaobilaznica bb, 77 000 Bihać, PDV broj:263426780009
(naziv, adresa i PDV br. firme Dobavljača)
koga zastupa Fatima Prošić, direktor, (u daljem tekstu Dobavljač)
(ime, prezime i svojstvo ovl. lica za potpis ugovora)

PREDMET UGOVORA

Član 1.

Predmet ovog ugovora o nabavci i isporuci lož ulja (LU-EL) za potrebe JU OŠ „Vladislav Skarić“, Sarajevo (u daljem tekstu ugovor) je nabavka i isporuku lož ulja (LU-EL - BAS 1002:2004) za potrebe JU OŠ „Vladislav Skarić“ Sarajevo i to: **13.406 litara** u svemu prema zahtjevima Ugovornog organa iz tenderske dokumentacije broj: **09-2-1-OP/17** i ponude izabranog Dobavljača broj:**11-05-17, od 11.05.2017.** godine i Okvirnom sporazumu o nabavci i isporuci lož ulja (LU-EL) za potrebe JU OŠ „Vladislav Skarić“, Sarajevo, broj:09-2-354/17 i broj:22-09-17, od 22.09.2017. godine (u daljem tekstu Okvirni sporazum).

UGOVOR O NABVCI

CIJENA

Član 2.

Ukupna ugovorena cijena za nabavku i isporuku robe iz predmeta ovoga ugovora, prema prihvaćenoj Ponudi Dobavljača broj:11-05-17, od 11.05.2017. godine i Okvirnog sporazuma, uz dokaz obrascem OPC i OPM, ovjeren od strane nadležnog ministarstva, o promjeni cijene na svjetskom tržištu, iznosi

Cijena =18. 113, 39KM

PDV (17%) =3. 079, 28 KM,

UKUPNO 21.192,67KM

(slovima:dvadesetjednahiljadstotinuevedesttri i 36/100KM)

USLOVI I NAČIN PLAĆANJA

Član 3.

Naručilac i Dobavljač su saglasni će se plaćanje lož ulja iz člana 1. ovoga ugovora vršiti od dana zaprimanja fakture i potpisane otpremnice o kvantitativnom i kvalitativnom prijemu u skladu sa isporučenom količinom, a najduže u roku 30 dana od dana zaprimanja fakture, na žiro račun dobavljača, koji je dostavljen u ponudi. Nema avansnog plaćanja tokom trajanja ugovora.

Jedinične cijene navedene na računima Dobavljača neće se razlikovati od cijena koje je Dobavljač naveo u svojoj ponudi, izuzev slučajeva utvrđenih u članu 2. ovog ugovora.

Uz fakturu Dobavljač je obavezan dostaviti certifikat o propisanom kvalitetu „LU EL“ – BAS 1002:2004, čija je kompetentnost priznata.

Fakture dobavljača ispostavljati i dostavljati na adresu: JU OŠ „Vladislav Skarić“, Terezija 48, 71000, Sarajevo.

UGOVOR O NABVCI

OBAVEZE NARUČIOCA

Član 4.

Naručilac je obavezan da izvrši plaćanje od dana zaprimanja fakture u skladu sa traženom isporučenom količinom, a najduže u roku 30 dana od dana zaprimanja fakture, na žiro račun dobavljača, koji je dostavljen u ponudi.

Da plaćanje robe po ugovoru vrši u KM, putem Trezora Kantona Sarajevo, a u skladu s propisima o trezorskom poslovanju.

Da dostavi pismeno obavještenje o svakom navedenom propustu Dobavljača robe po Ugovoru i utvrdi razuman rok za ispravku propusta Isporučioca robe u smislu Izvršene nabavke.

OBAVEZE DOBAVLJAČA

Član 5.

Dobavljač se obavezuje da:

- odgovara za urednu realizaciju Ugovora, štiti interese Ugovornog organa, te ga obavještava o toku realizacije Ugovora,
- u slučaju promjene (povećanje/smanjenje) jediničnih cijena iz ugovorne specifikacije dostavi Ugovornom organu obavjest o važećim cijenama lož ulja,
- vrši isporuku lož ulja sa kvalitetom u skladu sa važećim standardima i priloženim certifikatom o kvalitetu lož ulja,
- nadoknadi svu štetu utvrđenu od stane nadležnog organa koja je nastala isporukom neadekvatnog i nekvalitetnog lož ulja,
- dostavlja fakture i certifikat iz člana 3. ovoga ugovora.

UGOVORNA KAZNA

Član 6.

U slučaju kašnjenja u isporuci roba, do kojeg je došlo krivicom dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od naručioca.

Naručilac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

UGOVOR O NABVCI

VIŠA SILA

Član 7.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam) dana od nastanka više sile na način koji je u datoj situaciji moguć.

Pod višom silom u smislu predhodnog stava podrazumjeva se događaj ili okolnost koji nisu postojali u vrijeme potpisivanja ugovora, koji su nastali mimo volje i moći ugovornih strana, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

STUPANJE UGOVORA NA SNAGU

Član 8.

Ovaj ugovor stupa na snagu nakon potpisa ovlaštenih predstavnika ugovornih strana.

Rok trajanja ovoga ugovora za isporuku lož ulja je do ispunjenja svih ugovorenih obaveza.

RASKID UGOVORA

Član 9.

Kada jedna ugovorna strana ne ispuni svoju obavezu, druga strana može, ako nije drugačije određeno okvirnim sporazumom, zahtjevati ispunjenje obaveza ili, pod uslovima predviđenim ovim ugovorom i ugovorenim materijalnim pravom, raskinuti ovaj ugovor, ako raskid ugovora ne nastupa po samom zakonu, a u svakom slučaju ima pravo na naknadu štete.

U slučaju raskida/djelimičnog raskida ugovora, ugovorne strane imaju pravo na naknadu štete koju trpe zbog kršenja ugovora od druge ugovorne strane.

RASKID ZBOG NESOLVENTNOSTI

Član 10.

Naručilac može u bilo koje vrijeme raskinuti ugovor davanjem obavijesti Dobavljaču ako isti bankrotira ili na drugi način postane nesolventan. U takvom slučaju raskid će biti bez kompenzacije Dobavljaču, pod uslovom da takav raskid ne utiče na bilo koje pravo na akciju ili pravni lijek koje je nastalo ili će se pojaviti za Ugovornog organa nakon toga.

ZAVRŠNE ODREDBE

Član 11.

Naručilac i Dobavljač trebaju uložiti svaki napor da dogovorno riješe eventualne sporove koji nastanu temeljem ili u vezi Ugovora.

Sve nastale sporove ugovorne strane riješit će sporazumno, a ako to nije moguće spor će biti riješen pred nadležnim sudom u Sarajevu.





UGOVOR O NABVCI

Ovaj ugovor sačinjen je u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Sastavni dijelovi ovog ugovora su:

Ponuda Dobavljača broj:11-05-17 i Okvirni sporazum o nabavci i isporuci lož ulja (LU-EL) za potrebe JU OŠ „Vladislav Skarić“, Sarajevo, broj:09-2-354/17 i broj:22-09-17, od 22.09.2017. godine

ZA DOBAVLJAČA:

 Direktor

Prošić Fatima
Broj: 19/12/17-JN
Datum:19.12.2017 god

ZA NARUČIOCA:

 v.d. Direktor

Pirić Meho, prof.
Broj: 09-2-354/17
Datum: 21.12.2017 godine